



Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

Komisija za izbor i imenovanja i  
administrativna pitanja

Broj: 01-05-39405/18  
Sarajevo, 14.12.2018.godine

SKUPŠTINA KANTONA SARAJEVO  
n/r predsjedavajućeg

SLUŽBA ZA SKUPŠTINSKE POSLOVE  
n/r sekretara

PREDMET: Prijedlog Odluke o potvrđivanju Vlade Kantona Sarajevo-dostavlja se

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 14.12.2018. godine, u skladu sa članom 37, 204. i 205. Poslovnika Skupštine Kantona Sarajevo („Službene novine Kantona Sarajevo“, Drugi novi prečišćeni tekst, broj 41/12, 15/13, 47/13, 47/15, 48/16) utvrdila je Prijedlog Odluke o potvrđivanju Vlade Kantona Sarajevo, koju Vam dostavljamo uz biografije kandidata na razmatranje i donošenje.

S poštovanjem,



PREDsjedavajući KOMISIJE

Konaković Elmedin



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 27. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 205. stav 1. Poslovnika Skupštine Kantona Sarajevo - Drugi Novi prečišćeni tekst ("Službene novine Kantona Sarajevo", broj 41/12 i broj 15/13, 47/13, 47/15 i 48/16), na sjednici održanoj dana .2018. godine, Skupština Kantona Sarajevo donijela je:

**PRIJEDLOG**

**ODLUKU  
O POTVRĐIVANJU VLADE KANTONA SARAJEVO**

**I**

Potvrđuju se Vlada Kantona Sarajevo u sastavu:

Edin Forto, premijer

1. Lejla Brčić, Ministarstvo pravde i uprave;
2. Damir Filipović, Ministarstvo prostornog uređenja, građenja i zaštite okoliša;
3. Srđan Mandić, Ministarstvo komunalne privrede i infrastrukture;
4. Adnan Šteta, Ministarstvo saobraćaja
5. Admir Katica, Ministarstvo unutrašnjih poslova;
6. Haris Bašić, Ministarstvo privrede;
7. Amel Kovačević, Ministarstvo finansija;
8. Amela Sofić, Ministarstvo zdravstva;
9. Zineta Bogunić, Ministarstvo za obrazovanje, nauku i mlade;
10. Mirvad Kurić, Ministarstvo kulture i sporta;
11. Malik Garibija, Ministarstvo za rad, socijalnu politiku, raseljena lica i izbjeglice;
12. Ismir Jusko, Ministarstvo za boračka pitanja.

**II**

Ova odluka stupa na snagu danom donošenja, a objavit će se u „Službenim novinama Kantona Sarajevo“.

Broj:01-05- 18  
.2018.godine  
S A R A J E V O

**PREDSJEDAVAJUĆI  
SKUPŠTINE KANTONA SARAJEVO  
Konaković Elmedin**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 37. Poslovnika Skupštine Kantona Sarajevo - Drugi Novi prečišćeni tekst ("Službene novine Kantona Sarajevo", broj 41/12 i broj 15/13, 47/13, 47/15 i 48/16), Komisija za izbor i imenovanja i administrativna pitanja, na sjednici održanoj dana 14.12.2018. godine, donijela je:


**ODLUKU  
O POTVRĐIVANJU VLADE KANTONA SARAJEVO**

Potvrđuje se Vlada Kantona Sarajevo u sastavu:

Edin Forto, premijer


1. Lejla Brčić, Ministarstvo pravde i uprave;
2. Damir Filipović, Ministarstvo prostornog uređenja, građenja i zaštite okoliša;
3. Srđan Mandić, Ministarstvo komunalne privrede i infrastrukture;
4. Adnan Šteta, Ministarstvo saobraćaja
5. Admir Katica, Ministarstvo unutrašnjih poslova;
6. Haris Bašić, Ministarstvo privrede;
7. Amel Kovačević, Ministarstvo finansija;
8. Amela Sofić, Ministarstvo zdravstva;
9. Zineta Bogunić, Ministarstvo za obrazovanje, nauku i mlade;
10. Mirvad Kurić, Ministarstvo kulture i sporta;
11. Malik Garibija, Ministarstvo za rad, socijalnu politiku, raseljena lica i izbjeglice;
12. Ismir Jusko, Ministarstvo za boračka pitanja.

Broj:01-05-39405-1/18  
14.12.2018.godine



**PREDSJEDAVAJUĆI KOMISIJE**

Konaković Elmedin



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1



15/15

EDIN FORTO  
kandidat za premijera

SKUPŠTINA KANTONA SARAJEVO  
n/r predsjedavajućeg

Predmet: Prijedlog kandidata za ministre u Vladi Kantona Sarajevo, dostavlja se

U skladu sa članom 204. Poslovnika Skupštine Kantona Sarajevo dostavljam vam Prijedlog kandidata za ministre u Vladi Kantona Sarajevo, sa biografijama.

Edin Forto



---

PRIJEDLOG  
kandidata za ministre u Vladi Kantona Sarajevo

1. Lejla Brčić, Ministarstvo pravde i uprave;
2. Damir Filipović, Ministarstvo prostornog uređenja, građenja i zaštite okoliša;
3. Srđan Mandić, Ministarstvo komunalne privrede i infrastrukture;
4. Adnan Šteta, Ministarstvo saobraćaja
5. Admir Katica, Ministarstvo unutrašnjih poslova;
6. Haris Bašić, Ministarstvo privrede;
7. Amel Kovačević, Ministarstvo finansija;
8. Amela Sofić, Ministarstvo zdravstva;
9. Zineta Bogunić, Ministarstvo za obrazovanje, nauku i mlade;
10. Mirvad Kurić, Ministarstvo kulture i sporta;
11. Malik Garibija, Ministarstvo za rad, socijalnu politiku, raseljena lica i izbjeglice;
12. Ismir Jusko, Ministarstvo za boračka pitanja.

## **Edin Forto**

### **Kandidat za premijera Kantona Sarajevo**

Edin Forto rođen je 1972. godine u Sarajevu. Bio je dugogodišnji direktor NEXE grupe, jedne od prestižnih kompanija iz građevinskog sektora u BiH. Prije toga je radio kao politički konsultant u New Yorku. Završio je Drugu gimnaziju u Sarajevu, a zatim University of North Carolina at Chapel Hill School of Journalism and Mass Communication, smjer Advertising, te Columbia University School of International and Public Affairs, smjer International Finance and Business. Biran je za zastupnika u Skupštini Kantona Sarajevo 2014. i 2018. godine, te je bio i delegat u Domu naroda Parlamenta Federacije u mandatu 2014. – 2018. godina. Potpredsjednik je Naše stranke. Oženjen je i otac dvoje djece.

**Lejla Brčić**

**Kandidatkinja za ministricu pravde u Kantonu Sarajevo**

Lejla Brčić rođena je [REDACTED] godine Tuzli. Diplomirala je 2005. na Pravnom fakultetu Univerziteta u Sarajevu. U trinaestogodišnjem aktivnom radnom iskustvu u struci pokazala je izuzetne rezultate i dokazala se kao vrhunska pravdnica. Radila je kao pravdnica u sektoru predškolskog obrazovanja, finansija (MF Prizma) i zdravstva (Zavod zdravstvenog osiguranja KS). Bila je kandidatkinja Naše stranke za načelnicu Općine Novi Grad Sarajevo na lokalnim izborima 2016. godine. Lejla je udata i majka jednog djeteta.

## **Damir Filipović**

### **Kandidat za ministra prostornog uređenja, građenja i zaštite okoliša Kantona Sarajevo**

Magistrirao je na Pravnom fakultetu Univerziteta u Sarajevu.

Damir Filipović rođen je [REDACTED] godine u Sarajevu. Aktuelni je predsjednik Foruma mladih Socijaldemokratske partije Bosne i Hercegovine (SDP BiH) kao i član Predsjedništva i Glavnog odbora najviših organa SDP BiH.

Na proteklim izborima je bio kandidat SDP-a za Skupštinu Kantona Sarajevo a obavljao je poziciju vijećnika od 2016. godine u Općinskom vijeću Ilijaš.

U mandatu od 2012. do 2016. godine obavljao je poziciju Predsjedavajućeg Općinskog vijeća u Ilijašu.

Filipović je trenutno uposlenik BH pošte u Odjeljenju za pravne, kadrovske i opće poslove.

Prije političke karijere bio je aktivan u nevladinim i humanitarnim organizacijama, a osnivač je jedinstvene organizacije mladih VETO u Ilijašu. Također je edukator i predavač iz oblasti politike i mladih za razne organizacije civilnog društva.

Damir Filipović je bio uspješan sportista i reprezentativac Bosne i Hercegovine u karateu gdje je osvojio brojna priznanja na međunarodnim takmičenjima.



## **Srđan Mandić**

### **Kandidat za ministra komunalne privrede u Kantonu Sarajevo**

Srđan Mandić rođen je [REDACTED] godine u Sarajevu. U Sarajevu je završio osnovnu školu i Drugu gimnaziju. Nakon rata upisuje Ekonomski fakultet u Sarajevu na kojem stiče i zvanje magistra ekonomskih nauka iz oblasti marketinga. Završio je i General Management Program na prestižnoj školi za menadžment na Bledu. Dosadašnji radni vijek proveo je u kompanijama KLAS, SPRIND i OSLOBODENJE, obavljajući različite menadžerske funkcije sve do pozicije direktora preduzeća. Bio je pripadnik Armije BiH. Dobitnik je brojnih priznanja za rad u struci. Danas živi i radi u Sarajevu.

**Adnan Šteta**

**Kandidat za ministra saobraćaja Kantona Sarajevo**

Adnan Šteta rođen je [REDACTED] godine u Mostaru.

Ekspert je iz oblasti ekonomije s velikim iskustvom u segmentu kriznog menadžmenta i prodaje. Kao konsultant je radio s velikim svjetskim konsultantskim kućama kao što su McKinsey & Company i Horn & Company gdje je radio na projektu spajanja Konzuma i Mercatora nakon što je Agrokor preuzeo Mercator i implementaciji category managementa procesa u Bosni i Hercegovini.

Šteta je proveo jedanaest godina kao uposlenik Agrokorovog koncerna gdje je obavljao poslove direktora društva Velpro d.o.o. Sarajevo kao i izvršnog direktora i člana uprave Konzum d.o.o. Sarajevo BiH. Pored ovih pozicija, obavljao je i poslove direktora trading i category managementa kao i maloprodaje i marketinga u Konzumu.

Prije prelaska u Agrokorov koncern obavljao je poslove voditelja maloprodaje za bosanskohercegovačku kompaniju Drvopromet d.o.o. Sarajevo kao i za talijanski brend Pitarello.

Svoju radnu karijeru je započeo 1999. godine u italijanskoj Humanitarnoj organizaciji Luciano Lamma gdje je bio voditelj programa i projekata te organizacije kao što je održavanje kontakata sa svim domovima za nezbrinutu djecu u Bosni i Hercegovini.

Za vrijeme obavljanja ovih pozicija u realnom sektoru i humanitarnom radu Adnan Šteta je dobio nekoliko prestižnih nagrada kao što su najmenadžer jugoistočne Evrope i najmenadžer decenije u Bosni i Hercegovini, kao i priznanja za razvoj trgovine u Bosni i Hercegovini i priznanja za razvoj sporta, gdje je važno naglasiti da je svojevremeno bio član Upravnog odbora Fudbalskog kluba Velež.

Veliko iskustvo iz oblasti ekonomije je prepoznato i od strane mnogih organizacija te je često bio predavač na teme kriznog menadžmenta, političke ekonomije, razvoja maloprodajnog tržišta u Bosni i Hercegovini i regiji, razvoja proizvodnje zdrave hrane u Bosni i Hercegovini, kao i o stanju marketinga u Bosni i Hercegovini.

Političku karijeru je započeo 2017. godine i na proteklim izborima je bio kandidat Socijaldemokratske partije BiH za Predstavnički dom Parlamenta Federacije Bosne i Hercegovine. Aktivno je učestvovao u izradi SDP-ovog izbornog programa u javnoj politici „Plan za ekonomiju i zapošljavanje“.

## **Admir Katica**

### **Kandidat za ministra unutrašnjih poslova Kantona Sarajevo**

Admir Katica rođen je [REDACTED] godine. Diplomirao je na Fakultetu kriminalističkih nauka a magistrirao na Pravnom fakultetu u Sarajevu. Završio je i Londonsku školu za odnose s javnošću LSPR te Media centar Sarajevo i Centar za strateško komuniciranje London. Usavršavao se u odnosima s javnošću i u Ministarstvu unutrašnjih poslova Republike Austrije. Stručno usavršavanje imao je i na Policijskoj akademiji Baton Rouge, Univerzitet Louisiana te pri Federalnom ministarstvu unutrašnjih poslova.

Zadnji radni angažman imao je na poziciji šefa Kabineta Predsjedništva Visokog sudskog i tužilačkog vijeća BiH. U Federalnom ministarstvu unutrašnjih poslova radio je kao savjetnik ministra za poslove policije od 2007. do 2010. godine. Od 2004. do 2006. godine radio je kao glasnogovornik Državne agencije za istragu i zaštitu BiH. Šef odsjeka za odnose s javnošću MUP-a Zeničko-dobojskog kantona bio je od 2003. Do 2004. Gdje je, prije te dužnosti, obavljao posao inspektora kriminalističke policije.

Admir Katica oženjen je i otac je jednog djeteta.

## **Haris Bašić**

### **Kandidat za ministra privrede u Kantonu Sarajevo**

Haris Bašić rođen je [REDACTED] godine u Sarajevu. Na Anglo-američkom univerzitetu u Pragu diplomirao je na poslovnoj ekonomiji. Titulu magistra stekao je iz upravljanja državom i humanitarnih poslova na zajedničkom master programu Univerziteta Sarajevo, "La Sapienza" Rim, Beograd.

Od 2015. do 2018. godine bio je ambassador BiH u Kraljevini Danskoj te nerezidentni ambassador BiH za Litvaniju i Latviju.

Od 2010. do 2015. godine bio je savjetnik i šef Kabineta člana Predsjedništva BiH iz reda bošnjačkog naroda.

U Centru za međunarodni razvoj Univerziteta New York, USAID projekat podrške parlamentima u BiH radio je kao ekspert u oblasti istraživanja i edukacije.

Predavač iz oblasti poslovne ekonomije bio je na brojnim međunarodnim univerzitetima.

Oženjen je i otac troje djece.

## **Amel Kovačević**

### **Kandidat za ministra finansija u Vladi KS**

Amel Kovačević rođen je [REDACTED] godine.

Obrazovanje je stekao na Internacionalnom islamskom univerzitetu u Maleziji gdje je 2000. godine stekao zvanje magistra ekonomije. U Sarajevu je 1991. godine završio Drugu gimnaziju, gdje je bio učenik generacije.

Ključne kompetencije su mu priprema ključnih politika i procedura u cilju izgradnje jakog korporativnog ugleda, rastuće baze klijenata, prepoznavanja poslovnih prilika, praćenja industrijskih trendova te donošenje poslovnih strategija kako bi se ostvario optimalan rast ključnih poslovnih parametara. Postiže izvanredne rezultate u rastu portfolija, prihoda i profitabilnosti poslovnog segmenta u svojoj odgovornosti. Uspješno redizajnira poslovne procese te kreira visoko motivirajuće radno okruženje u cilju unapređenja produktivnosti poslovnog segmenta. Ima dokazano iskustvo u definiranju i implementaciji dugoročnih strategija, vođenju mnogoljudnih timova u kompleksnom i promjenjivom okruženju.

Svoje kompetencije je dokazao u bankarskom sektoru, diplomatiji i akademskoj zajednici.

Zadnje radno iskustvo imao je kao direktor Sektora za poslovanje sa stanovništvom u Bosna Bank International. U istoj banci je od 2000. do 2003. godine bio vođa tima za BBI finansiranje. Nakon toga, do 2010. godine radio je kao direktor Bamcard DD Sarajevo, centra za procesiranje, clearing i poravnanje te preusmjeravanje transakcija za 10 komercijalnih banaka u BiH. U Orient Bank DOO Sarajevo radio je kao asistent direktora od 1998. do 2000. godine.

Što se tiče diplomatije, od 2010. do 2013. bio je ambasador Bosne i Hercegovine u NR Kini i Mongoliji. Bilateralna saradnja između BiH i NR Kine podignuta je do tada na najviši nivo s fokusom BiH na kinesku investicijsku mapu.

Na International University of Sarajevo radio je kao profesor na predmetima Managerial Mathematics, Marketing i Introduction to the Management. Bio je predavač i na The Noel Baker Center for Business and Management Studies, gdje je, također, obnašao i funkciju direktora.

Amel Kovačević otac je troje djece.

**Amela Sofić**

**Kandidatkinja za ministricu zdravstva Kantona Sarajevo**

Doc. dr. sci. med. Amela Sofić rođena je [REDACTED] u Zenici. Članica je Demokratske fronte (DF) od Osnivačke skupštine stranke održane 2013. godine. Od 2017. Koordinatorica je Vijeća za zdravstvo i socijalnu zaštitu Političke akademije DF-a te Odbora za zdravstvo DF-a Kantona Sarajevo.

Diplomirala je na Medicinskom fakultetu Univerziteta u Sarajevu 1989. godine. Nakon diplomiranja zapošljava se u Školskom dispanzeru Doma zdravlja u Doboju gdje radi do 1992. godine. Specijalizirala je 2000. godine na Institutu za radiologiju Kliničkog centra Univerziteta u Sarajevu (KCUS). Na Odjelu za UZ, CT I RTG Kantonalne Bolnice u Travniku radila je do 2004. kad prelazi na Institut za radiologiju KCUS-a na Odjel za probavnu dijagnostiku.

Na Medicinskom fakultetu Univerziteta u Sarajevu je magistrirala (2008.) i doktorirala (2012). Ostvarila je zavidnu akademsku i naučnu karijeru. Predaje na katedrama za radiologiju i nuklearnu medicinu medicinskih fakulteta na univerzitetima u Tuzli i Sarajevu. Autorica je 26 naučnih radova objavljenih u referentnim međunarodnim naučnim časopisima.

Članica je Udruženja radiologa Bosne i Hercegovine i Evropskog udruženja radiologa.

Aktivno govori njemački i engleski jezik.

Posjeduje certifikate iz oblasti zdravstvenog menadžmenta i to: SHCE nivo I operativni menadžment i SHCE nivo II srednji menadžment, koje je stekla nakon završene profesionalne edukacije na Ekonomskom fakultetu u Sarajevu.

**Zineta Bogunić**

**Kandidatkinja za ministricu obrazovanja, nauku i mlade Kantona Sarajevo**

Zineta Bogunić rođena je [REDACTED] godine u Šipovu.

Diplomirala je 1980. na Odsjeku za srpskohrvatski jezik i jugoslovenske književnosti na Filozofskom fakultetu Univerziteta u Sarajevu. Magistrirala je na upravljanju u obrazovanju, na Ekonomskom fakultetu Univerziteta u Sarajevu 2011. godine.

Najveći dio radnog vijeka provela je u prosvjeti. Najduže na poziciji direktorice Osnovne škole Čengić Vila I, od 1998. do 2015. godine. Boravila je u više studijskih posjeta u učestvovala na više stručnih konferencija. Edukatorica je za nastavnike i direktore škola. Koautorica je više knjiga: Pogledi, Škola u pokretu, Gender, perspektiva u nastavi; Financijski priručnik za direktore škola u BiH; Priručnik za direktore, itd.

Članica je Inicijativnog odbora za osnivanje Asocijacije direktora osnovnih i srednjih škola na nivou BiH (u organizaciji OSCE-a), zatim tima u izradi Analize nastavnih planova i programa za devetogodišnje obrazovanje te tima za izradu Strategije razvoja obrazovanja i nauke Kantona Sarajevo za period 2017-2022.

Rat je provela u Armiji RBiH kao analitičar u Službi vojne bezbjednosti. Ima čin natporučnice.

Udata je, majka dvoje djece i nana troje unučadi

**Mirvad Kurić**

**Kandidat za ministra kulture i sporta Kantona Sarajevo**

Mirvad Kurić od 2015. godine obnaša funkciju ministra kulture i sporta Kantona Sarajevo.

Prije svog ministarskog mandata, u septembru 2015. godine imenovan je za v.d umjetničkog direktora drame u Narodnom pozorištu u Sarajevu.

2014. godine na općim izborima izabran je za zastupnika u Predstavničkom domu Parlamenta Federacije BiH ispred Saveza za bolju budućnost.

Prvi je izabrani zvaničnik koji je kao ministar kulture i sporta rezultate svog rada javno predstavio građanima Kantona Sarajevo. Tokom svoje ministarske karijere kroz budžet Ministarstva kulture i sporta KS zalagao se za uvođenje modela novčane podrške penzionisanim kulturnim radnicima.

Poznati je bosanskohercegovački glumac i prvak drame Narodnog pozorišta. Od 2001. godine, stalni je član ansambla Narodnog pozorišta Sarajevo. Dobitnik velikog broja priznanja i nagrada za najboljeg glumca kako u Bosni i Hercegovini, tako i u regiji.



## **Malik Garibija**

### **Kandidat za ministra rada i socijalne politike Kantona Sarajevo**

Malik Garibija rođen je [REDACTED] godine u Sarajevu gdje i danas živi sa suprugom.

Diplomirao je i magistrirao na Fakultetu političkih nauka u Sarajevu. Tečno govori engleski jezik i poznaje osnove perzijskog.

Nakon završenog studija biva kratko angažovan u timu za organizaciju Sarajevo Business Foruma, odakle profesionalni radni angažman nastavlja u Socijaldemokratskoj partiji BiH, prvo na organizacijskim i PR poslovima, zatim kao Koordinator službe za odnose s javnošću i marketing, a od 2017. godine kao Sekretar za javne politike i političke inicijative SDP BiH. Tokom angažmana u SDP BiH je kao autor i urednik priredio, učestvovao u realizaciji i pokretao desetine javnih politika, političkih inicijativa, zakona i zakonskih izmjena te brojnih sličnih aktivnosti na različitim nivoima vlasti.

U Institutu za društvena istraživanja Fakulteta političkih nauka u Sarajevu angažovan je na međunarodnom projektu BECAN – Balkanska epidemiološka studija o zlostavljanju i zanemarivanju djece. Nakon toga na matičnom fakultetu počinje raditi kao istraživač u Centru za studije o izbjeglim i raseljenim osobama. Ima iskustvo u oblasti PR-a, marketinga i menadžmenta kroz niz povremenih angažmana na različitim projektima za domaće firme i nevladine organizacije.

## **Ismir Jusko**

### **Kandidat za ministra za boračka pitanja Kantona Sarajevo**

Ismir Jusko rođen je [REDACTED]. godine rođen u njemačkom gradu Züttlingenu.

Diplomirao je na Fakultetu za sport i tjelesni odgoj Univerziteta u Sarajevu, nakon čega je postao zaposlenik Ministarstva unutrašnjih poslova Bosne i Hercegovine u Specijalnoj jedinici policije, što je bio sve do 1996. godine.

Nakon toga, od decembra 1996. do marta 2007. godine bio je uposlenik Ambasade Sjedinjenih Američkih Država u Sarajevu, gdje je obavljao dužnost šefa tima za antiterorizam. Tokom tog vremena, proveo je pet mjeseci na edukacijama u SAD-u, u posebnim kampovima za antiterorizam, gdje je uspješno završio kurs za borbu protiv terorizma i rješavanje kriznih situacija.

Nakon provedenog vremena u Ambasadi SAD-a u Sarajevu, Jusko je od 2007. godine počeo obavljati dužnost potpredsjednika uprave i direktor Poslovne jedinice kompanije Sector Security u Sarajevu, što je ostao sve do 2010. godine.

Od 2010. do januara 2013, te ponovo od septembra 2013. do novembra 2014. radio je u Ministarstvu sigurnosti Bosne i Hercegovine kao šef Kabineta direktora Agencije za policijsku podršku te kao savjetnik ministra sigurnosti BiH.

Od 24. novembra 2015. godine do 30. marta 2016. godine bio je ministar unutrašnjih poslova Kantona Sarajevo. Nakon toga je, 11. maja 2016. godine, imenovan za novog ministra komunikacija i prometa Bosne i Hercegovine.

Dobitnik je brojnih nagrada i priznanja iz oblasti sigurnosti i sporta.

Član je Saveza za bolju budućnost Bosne i Hercegovine.